

TEZĂUR LITURGIC

23 MAI

ACATISTUL SF. CUVIOASE EUFROSINA DE LA POLOŢK



MOSCOVA, 2000



Акафист

святой благоверной княжне преподобной Евфросинии Полоцкой

Кондак 1

Избранную Христо́ву невесту пѣсньми
восхва́лим днѣсь, вѣрнии, Евфросинию; сия́ бо
княжна́, до́м о́тчий оста́вльши и во ино́честве
пожи́вши до́бре, мно́гия упра́вила е́сть ко
спасе́нию; во Иерусали́ме плоти́ю
преста́вльшия, во Иерусали́м го́рний ду́хом
пресе́лися и та́мо при́сно за ны́ мо́лится. Ейже
та́ко возопи́им:

Ра́дуйся, Евфроси́ние, невесто́ Христо́ва
всечестна́я.

Икос 1

А́нгельски жи́вши, преподо́бная,
по́стническим жити́ем угоди́ла еси́ Христу́ и
небе́сныя ра́дости причастити́ся сподо́билася

еси́ по сконча́нии. Те́мже с го́рних вы́сот при́зри на ны́, та́ко ты́ велича́ющая:

Ра́дуйся, Росси́йския земли́ похва́ло;

ра́дуйся, о́трасле сла́вная от ро́да Влади́мира равноапосто́льнаго.

Ра́дуйся, имене́тых роди́телей ча́до богоизбра́нное;

ра́дуйся, голу́бице непоро́чная.

Ра́дуйся, де́вственнице чи́стая;

ра́дуйся, ино́киням утеше́ние.

Ра́дуйся, ко Иеру́сали́му небе́сному путево́дительнице;

ра́дуйся, благоче́стия звездо́.

Ра́дуйся, засту́пнице к тебе́ притека́ющих;

ра́дуйся, целите́льнице неду́гов незрима́я.

Ра́дуйся, хода́таице за ны́ те́плая;

Ра́дуйся, Евфроси́ние, невесто́ Христо́ва всечестна́я.

Конда́к 2

Ви́дение бе́ радостное, егда́ по рождэ́нии твоём принесо́ста ты́, пресла́вная, роди́теля твоя́ во хра́м Госпо́день: та́мо бо в купели крещэ́ния

от перво́роднаго греха́ омы́лася еси́ погруже́нием, и ми́ра священным пома́занием ты́, яко́ о́трасль мла́дую, иере́й приви́л е́сть ко Христу́, да пое́ши Ему́ вы́ну со избра́нными Его́: Аллилу́иа.

И́кос 2

Ра́зумом, свы́ше просвеще́нным, и чи́стым се́рдцем Христо́ви от ю́ности вручи́ла еси́ себѣ, Предисла́во; поча́сту во хра́м притека́ющи, в го́рнице во трудѣх прісно пребыва́ла еси́. Те́мже ты́ ублажа́ем:

Ра́дуйся, Христо́ви обруче́нная от купели креще́ния;

ра́дуйся, ми́ром благодáтным запечатле́нная.

Ра́дуйся, Ду́ха Свята́ вмести́лище чи́стое;

ра́дуйся, те́м умудре́нная во спасе́ние.

Ра́дуйся, во благо́е свы́ше укрепле́нная;

ра́дуйся, ра́зум просвети́вшая моли́твою.

Ра́дуйся, со́весть стяжав́шая кре́пкую во благо́м;

ра́дуйся, от мла́дости уве́девшая пути́ благоче́стия.

Ра́дуйся, уклони́лася бо еси́ пути́ ги́бельнаго;

ра́дуйся, трудолю́бивая отрокови́це.

Ра́дуйся, ю́ных де́в росси́йских красото́;

ра́дуйся, Евфроси́ние, неvéсто Христо́ва
всечестна́я.

Конда́к 3

Си́лою Вы́шняго укрепле́нная, возлюби́ла еси́
преподо́бная; науче́ние кни́жное и тому́
прилежа́ла еси́; му́дрость же кни́жную
пости́вши, па́че прочих божество́вныя кни́ги
избра́ла еси́, и я́же умудри́ти мо́гут во спасе́ние
вся́каго челове́ка, усер́дно почита́ла еси́, сла́дце
пою́щи Го́сподеви: Аллилу́иа.

И́кос 3

И́мать днёсь оби́тель тво́я отрокови́цы мно́ги
и мла́ды, науче́нию кни́жному зде́ вданны́я. Сего́
ра́ди усер́дно мо́лим тя́, всехва́льная, при́зри на
ты́я и умудри́ я во спасе́ние, да ты́ велича́ем:

Ра́дуйся, ключ́ му́дрости взыска́вшая;

ра́дуйся, я́ко худо́жество кни́жное пости́гла
еси́ от мла́дости.

Ра́дуйся, те́м отве́рзшая двéри богопозна́ния;

ра́дуйся, Свяще́нное почита́вшая Писа́ние.

Ра́дуйся, от сего́ узрѣвшая міра сущаго
сотворѣние;

ра́дуйся, умиленна́я неизречѣнным
Христовымъ снизхождѣниемъ къ падшему роду
нашему.

Ра́дуйся, возлюбившая возлюбльшаго насъ
Господа;

ра́дуйся, Тому́ Единому поработати
возжелѣвшая.

Ра́дуйся, последи́ в черто́гъ славы Его́
всѣльшаяся;

ра́дуйся, дѣвственнице, ю́нымъ дѣвамъ
незрѣмая споспѣшнице в научѣнии.

Ра́дуйся, свѣтільниче благочѣстія и знанія;

ра́дуйся, Евфросініе, невѣсто Христова
всечестна́я.

Конда́к 4

Бу́ри житѣйскихъ бѣдъ и напастей бежавши,
преподобная, паче брака чѣстна житіе
дѣвственное возлюбила еси́ и от именитыхъ
жениховъ уклонилася еси́, отроковице, да
единому Жениху́ Небѣсному́ Христу́
поработаеши, пою́щи Ему́: Аллилу́иа.

И́кос 4

Слы́шала еси́, преподо́бная, я́же апо́стол рече́:
глаго́лю безбра́чным и вдови́цам — добро́ им
е́сть, а́ще пребу́дут, я́коже и а́з; а́ще ли же ни́, да
посяга́ют; не оже́нвый бо́ ся пече́тся, ка́ко
угоди́ти Го́сподеви; и се́му поревнова́ла еси́.
Те́мже тя́ велича́ем:

Ра́дуйся, де́вственнице́ чи́стая;

ра́дуйся, пу́ть ино́ческаго жити́я избра́вшая.

Ра́дуйся, я́ко жре́бий де́вства при́яти и
вмести́ти возмогла́ еси́ Бо́жиею благода́тию;

ра́дуйся, ми́рскаго трево́лне́ния избе́гшая.

Ра́дуйся, ти́хаго приста́нища взыска́вшая;

ра́дуйся, Мари́и Ла́зареве подража́вшая.

Ра́дуйся, я́ко во хра́ме, а́ки при но́гу
Христо́ву, приметáлася еси́;

ра́дуйся, я́ко ли́ку му́чениц и преподо́бных
же́н приобщи́лася еси́.

Ра́дуйся, презре́вшая ле́поту ми́ра тле́ннаго;

ра́дуйся, неизрече́нныя ра́дости в ми́ре
го́рнем дне́сь прича́стнице.

Ра́дуйся, пра́веднаго жити́я о́бразе;

ра́дуйся, Евфроси́ние, неvéсто Христо́ва
всечестна́я.

Конда́к 5

Бо́га то́чию боя́щися, не устраши́лася еси́,
Евфроси́ние, тяготы́ жити́я ино́ческаго, кро́в же
оста́вльши о́тчий, во оби́тель притекла́ еси́ и
облещи́ тя во а́нгельский о́браз уми́льне
игу́мению моли́ла еси́, да не обяза́вшись
ку́плями жите́йскими, вы́ну пéти сподо́бишися
Христо́ви: Аллилу́иа.

И́кос 5

Врача́ Небе́снаго моли́ла еси́, всехва́льная, да
ско́рбь, роди́телема твои́ма отше́ствием
учинённая, на ра́дость прело́жится; оста́вила бо
еси́ я́, преподо́бная, да Христо́ви послужи́ши и
за ро́ждших тя мо́лишися. Те́мже ты хва́лим
досто́йно:

Ра́дуйся, избра́нице Бо́жия;

ра́дуйся, тайне из о́тчаго до́ма отше́дшая.

Ра́дуйся, во оби́тель все́льшаяся княги́ни
Романо́вы;

ра́дуйся, возло́жшая ру́ку на ра́ло де́лания
духо́внаго.

Ра́дуйся, бра́чный вене́ц отложи́вшая;

ра́дуйся, главу́ покрывша́я куку́лем незло́бия.

Ра́дуйся, оде́ждам бра́чным оде́жду нищеты́ предпоче́тшая;

ра́дуйся, со прия́тием ве́рвицы, а́ки мече́м, воору́женная сло́вом Бо́жиим.

Ра́дуйся, крест Христо́в, а́ки зна́мя ве́ры, прии́мшая;

ра́дуйся, я́ко не посрами́ тя Госпо́дь во упова́нии.

Ра́дуйся, родите́ля бо, прише́дшая тя ви́дети, от писа́ния тобо́ю утеше́ившаяся, в ра́дости возврати́стася;

ра́дуйся, Евфроси́ние, невесто́ Христо́ва всечестна́я.

Конда́к 6

Пропове́дника Па́вла, и́же рече́: вся́к подви́заяся от все́х да воздержи́тся, послу́шаючи, в посте́ и воздержа́нии неосла́бно пожи́ла еси́, преподо́бная, во оби́тели; суесло́вия бо бе́гала еси́ и пе́сньми псаломскими́ назидáющими моли́лася еси́, и в до́брем изволе́нии утвержда́ющимися, вы́ну пе́ла еси́: Аллилу́иа.

И́кос 6

Возсия́ благода́ть в по́двизех жити́я твоего́,
Евфроси́ние всечестна́я; по не́коем бо вре́мени
во град По́лотск пресели́лася еси́, и при хра́ме
святы́я Софи́и в клѣтце ма́ле подвиза́ющися,
кни́ги божѣственны́я препи́совала еси́ и та́ко
град ти́ при́сный полѣзным уче́нием напая́ла
еси́, слы́шащи от все́х такова́я:

Ра́дуйся, По́лотское ра́дование;

ра́дуйся, де́вам сия́ние.

Ра́дуйся, звездо́ благоче́стия;

ра́дуйся, смире́ния испо́лненная.

Ра́дуйся, послуша́нием утвержде́нная;

ра́дуйся, с молча́нием ско́рби терпе́вшая.

Ра́дуйся, при хра́ме бо, я́ко дре́вле
Богоотрокови́ца, пожи́ла еси́;

ра́дуйся, му́драя княжно́ и иноки́не
пречестна́я.

Ра́дуйся, цве́те по́стничества;

ра́дуйся, све́те кро́тости.

Ра́дуйся, упова́ния нело́жнаго испове́днице;

ра́дуйся, Евфроси́ние, неvéсто Христо́ва
всечестна́я.

Конда́к 7

Хотя́й спасти́ тобо́ю жены́ и де́вы мно́гия во
ино́честве, Влады́ка Христо́с сицева́го видéния
удосто́и тя́, преподо́бная; в со́ннем видéнии
узрела еси́ себе́, Евфроси́ние, принесéну в сельце́
к це́рквице Спа́сове, и А́нгела ти́ ре́кшаго: зде́ ти
бы́ти подоба́ет. Ты́ же а́бие от сна́ воста́вши,
ра́достне пе́ла еси́: Аллилу́иа.

И́кос 7

Но́вое чу́до бы́сть: тойже бо А́нгел яв́ився
святителю́ Или́и, повеле́ ему́ да́ти сельце́ то́ на
вселéние ти́ и це́рквицу на моли́тву, е́же и
сотвори́ святитель а́бие. Сия́ помина́юще, тако́
тя́ велича́ем:

Ра́дуйся, а́нгельски пожив́шая;

ра́дуйся, А́нгела Господ́ня узр́евшая.

Ра́дуйся, сла́дкия бесе́ды его́ прича́стнице;

ра́дуйся, я́ко и пред святителе́м хода́тай бе́ о
тебе́.

Ра́дуйся, А́нгелом и на все́х путéх твои́х
хранéнная;

ра́дуйся, кро́вом кри́л егó ограждéнная.

Ра́дуйся, не преткну́вшая но́ги твоея́ о ка́мень горды́ни;

ра́дуйся, сего́ ра́ди видéния зра́ка а́нгельскаго удо́стоенная.

Ра́дуйся, я́ко яви́ся ти́, и́же зри́т лице́ Отца́ на́шего Небéснаго;

ра́дуйся, не прогнéвльшая храни́теля ничи́мже сýетным и грехóвным.

Ра́дуйся, сего́ ра́ди радóстныя вéсти удо́стоенная;

ра́дуйся, Евфроси́ние, невéсто Христо́ва всечестна́я.

Конда́к 8

Стра́нник, кро́в узрэв, раду́ется и, пришéд, по́кой си́ приéмлет. И ты́, преподо́бная, радóсти испóлнилася еси́, при цéрквице на сельце́ водворив́шись со еди́ною от иноки́нь, и ту́ основáние обите́ли твоея́ сотвори́ла еси́ отню́дуже Бо́гови днёсь возно́сится пёснь вели́кая, в вы́шних сугубо́ песносло́вимая: Аллилу́иа.

И́кос 8

Вся́ вѣсть Господь, и ничто́же тайно, е́же не
откры́ется; вѣдый же вся́ коему́ждо от человек
изволѣние да́рует, да избере́т кийждо пу́ть
жити́я, и яко́же кто́ поживе́т, по жити́ю
кого́ждо сконча́вшася су́дит. Я́же па́мятующе,
та́ко тя хва́лим:

Ра́дуйся, благий ярем Христовъ подъемшая;
ра́дуйся, по гла́су а́нгельскому на мѣсто
пусты́нно отше́дшая.

Ра́дуйся, то́чию кни́ги с собою́ прине́сшая;
ра́дуйся, со еди́нем одея́нием бы́вшая.

Ра́дуйся, с тремі́ ма́лыми хлѣбы всѣльшаяся;
ра́дуйся, прѣ́чая вся́ оста́вля́ющая.

Ра́дуйся, пусты́ни украше́ние;
ра́дуйся, я́ко сродни́и за по́двиг се́й
благослови́ша тя́.

Ра́дуйся, епископом Илиею утѣшенная;
ра́дуйся, я́ко вско́ре к тебе́ мно́ги инокини
стеко́шася.

Ра́дуйся, я́ко и оби́тель сла́вная ту́ устро́ися;

ра́дуйся, Евфроси́ние, неvéсто Христо́ва
всечестна́я.

Конда́к 9

Всеми́лостиваго Спа́са хра́м во обители
создала́ еси́ и честны́ми ико́нами украси́ла еси́,
преподо́бная, споспéшествующей ти́ благода́ти
Бо́жией; древодéла бо на строéние церко́вное
не́кий глас бужда́ше, на сконча́ние же хра́ма
дивне плинфы́ мно́ги обрето́шася. Я́же зря́щи, со
умилéнием пéла еси́: Аллилу́иа.

И́кос 9

Ветия́ му́драя была́ еси́, преподо́бная,
па́мятовала бо еси́ сло́во Христо́во, и́же сотвори́т
еди́ну за́поведей сих ма́лых и научи́т тако
челове́ки, сёй ве́лий наречéтся в Ца́рствии
Небе́сном, и поуча́ющи благоче́стию сестры́ своя́,
пéрвее сия́ твори́ла еси́. Те́мже тя́ велича́ем:

Ра́дуйся, иноки́ням пра́вило ино́ческаго
жития́;

ра́дуйся, я́ко в чистоте́ и целому́дрии блюла́
еси́ ю́ныя.

Ра́дуйся, нелóжно ста́рья почита́вшая;

ра́дуйся, ско́рбным споспéшнице в терпéнии.

Ра́дуйся, была́ бо еси́ все́м о́браз смире́ния и благоле́пнаго хождéния;

ра́дуйся, обли́чительнице осуждéния и многослóвия.

Ра́дуйся, приятелище дара прозрéния серде́ц; ра́дуйся, вопроша́ющим му́драя сове́тнице.

Ра́дуйся, миротво́рице сва́рящихся;

ра́дуйся, добродéтельми преукраше́нная.

Ра́дуйся, вели́кая россия́нская де́во;

ра́дуйся, Евфроси́ние, невесто Христо́ва всечестна́я.

Конда́к 10

Спасéния ра́ди и утешéния Ефэ́сскую ико́ну Влады́чицы на́шей Богоро́дицы испроси́ла еси́ из Царя́града, преподо́бная, во град По́лотск. Оби́тель и́ну устро́ивши, то́ю ико́ною си́ю украси́ла еси́; сестру́ же и две́ дщэ́ри бра́тния, Кириа́нну и О́льгу, ино́чества о́беты Христо́ви обручи́ла еси́ и во оби́телех твои́х во спасéние упра́вила еси́ мно́гия, пою́щи: Аллилу́иа.

И́кос 10

Стено́ю крэ́пкою от искуше́ний яви́ся смире́ние твоё; вся́ бо ти́ повелéнная

совершивши, яко рабу́ неключи́му вмени́ла еси́ себе́, преподо́бная; крото́стию и ти́хостию нра́ва па́че злата́ и бисера́ украси́ла еси́ ду́шу твою́. Те́мже тя́ велича́ем:

Ра́дуйся, слуго́ чистая́ Де́вы Пречи́стыя;
ра́дуйся, увесели́ла бо еси́ По́лотск чу́дным
Бо́жия Ма́тере о́бразом.

Ра́дуйся, вели́кое сокрови́ще Росси́стей
земли́ тако́ стяжав́шая;

ра́дуйся, мно́гия де́вы во оби́тель Бо́жия
Ма́тере приве́дшая.

Ра́дуйся, присны́я ти́ на пу́ть спасе́ния
привле́кшая;

ра́дуйся, му́драя управи́тельнице во спасе́ние.

Ра́дуйся, двé оби́тели, яко́ свещи́ возже́гшая;

ра́дуйся, те́ми просвети́вшая страну́
По́лотскую.

Ра́дуйся, насади́тельнице дре́ва ино́ческаго
жити́я;

ра́дуйся, смире́нием утаева́вшая вы́соту
твои́х по́двигов.

Ра́дуйся, строи́тельнице Росси́ския земли́;

ра́дуйся, Евфроси́ние, неvéсто Христо́ва
всечестна́я.

Конда́к 11

Пе́сньми восхваля́юще тя, терпе́нию твоёму́
диви́мся, преподо́бная; вся́кия бо труды́ и
ско́рби понёсши, последи́ во Святу́ю Зе́млю
странствие прия́ла еси́, иде́же, по желáнию
твоёму́, и сконча́тиса приведе́ ти Госпо́дь; та́мо
бо к Нему́ в ста́рости маститей пресели́лася еси́,
по́двиг до́брый соверши́вши, с пе́снию:
Аллилу́иа.

И́кос 11

Светозáрная луча́ земли́ Росси́йския! А́ще
плóтию престáвилася еси́ от нас, преподо́бная,
оба́че ду́хом с нами́ при́сно пребыва́еши. Во
хра́ме, тобо́ю создáннем, моля́щеся и кресту́, от
тебе́ устро́ену, покланя́ющеся, мо́лим тя, приими́
от нас сицевы́я хвалы́:

Ра́дуйся, дрéвняя Росси́и сия́ние;

ра́дуйся, о́ныя днёсь вели́кия похвало́.

Ра́дуйся, сла́вная Земли́ Святы́я от се́вера
прише́льнице;

ра́дуйся, грóбу Христо́ву поклони́тися
сподо́бльшаяся.

Ра́дуйся, ла́мпаду ту́ от земли́ Росси́йскаго
возже́гшая;

ра́дуйся, у гроба́ Христо́ва ко Христу́
отше́дшая.

Ра́дуйся, у о́наго крестъ́ земна́го жити́я твоего́
оста́вляющая;

ра́дуйся, святы́ми та́йнами при сконча́нии
напу́тствованная.

Ра́дуйся, на небеси́ от святы́х уго́дник
ра́достно срéтенная;

ра́дуйся, венце́м сла́вы от Небе́снаго Жени́ха
увенча́нная.

Ра́дуйся, му́драя де́во, вше́дшая в черто́г
Жени́ха Небе́снаго со сла́вою;

ра́дуйся, Евфроси́ние, невесто́ Христо́ва
всечестна́я.

Конда́к 12

Благода́ти прича́стнице, усер́дно мо́лим тя́,
Евфроси́ние всехва́льная, проли́й те́плую твою́
моли́тву ко Всевы́шнему за всю́ зе́млю на́шу
правосла́вную, да му́дростию и чистото́ю жити́я
наро́днаго, я́ко дще́рь избра́нная, бу́дет во
язы́цех земля́ на́ша, и ча́да ея́ да вни́дут в
го́рняя селéния, пою́ще Бо́гови: Аллилу́иа.

И́кос 12

Пою́ще тя́, я́ко засту́пницу на́шу те́плую,
и́нокням же и де́вам оби́тели твоея́ покрóв и
утвержде́ние, ра́дуемся о тебе́, преподо́бная, и
моли́твами твои́ми проси́мая прие́млюще, с
любо́вию велича́ем тя́ си́це досто́йно:

Ра́дуйся, я́ко мо́щи твоя́, во оте́чество
принесе́нныя, процвето́ша нетле́нием;

ра́дуйся, всехва́льная, равноапóстольнаго
Влади́мира правну́ко.

Ра́дуйся, собесе́днице равноапóстольныя
О́льги и всего́ богосве́тлаго ли́ка пра́ведных же́н;

ра́дуйся, все́льшаяся в ски́нию святы́х.

Ра́дуйся, незри́мая о нас ходатаи́це;

ра́дуйся, боля́щих врачевáние дивное.

Ра́дуйся, печальны́х утеше́ние нелóжное;

ра́дуйся, отра́до скорбя́щих.

Ра́дуйся, опóро тя́ призыва́ющих;

ра́дуйся, засту́пнице на́ша те́плая у Христа́.

Ра́дуйся, дивная́, ве́рою чту́щих тя́
путеводи́тельнице ко спасе́нию;

ра́дуйся, Евфроси́ние, неvéсто Христо́ва
всечестна́я.

Конда́к 13

О всехва́льная ма́ти на́ша Евфроси́ние
всечестна́я! Моли́ за ны́ Го́спода и Ма́терь Его́
Пречи́стую, да укрепит на́ша немощны́я си́лы и
во спасе́ние упра́вит, ю́ныя в чистоте́ соблюде́т,
де́вствующия укрепит в по́двизе, во бра́це
су́щия в любви́ и ми́ре усоверши́т, уврачу́ет
неду́жныя, просвети́т омраче́нныя, умерши́я
прости́т и вся́ в черто́ги Сво́я упра́вит, иде́же
вы́ну А́нгели пою́т пе́снь хвале́бную: Аллилу́иа.

*Этот конда́к чита́ется три́жды, зате́м и́кос
1-й и конда́к 1-й.*

Моли́тва

О преподо́бная и приснопа́мятная,
всехва́льная ма́ти Евфроси́ние, А́нгеле во плóти,
Богоизбра́нный сосúde Свята́го Ду́ха, Це́ркве
Христо́вы похва́ло и украше́ние,
мона́шествующих сла́во и утвержде́ние,
оте́честву, оби́тели тво́ей и все́й стране́ по́моще,
покро́ве и защи́тнице! Ты́ еси́, я́ко дре́во,
насажде́нное при исхо́дищих во́д, плоды́
добродете́лей твои́х и благода́тными дарова́нии
Свята́го Ду́ха украше́нная, наста́внице де́лом и

сло́вом, избра́нная, непоро́чная и до́брая. Услы́ши ны́, моля́щаяся тебе́ и призы́вающая и́мя твоё, има́ши бо дерзнове́ние у Го́спода. Испроси́ нам преспе́яние в жи́зни добродете́льней, огради́ сердца́ на́ша ве́рою, наде́ждою и любóвию и страхом Бо́жиим. Пода́й нам по́мощь в трудéх и скóрбех на́ших и, я́коже попече́ние имела́ еси́ в житии́ твоём о обите́ли твоёй и ино́чествующих, та́ко и ны́не потщи́ся о на́с, благопоспешити́ нам во всём: и обите́ль твою́ огради́ миром и за́щити́ от враг ви́димых и неви́димых, да преуспева́ет и процвета́ет в добродете́лех. Изми́ ны́ от вся́кия ну́жды и тесноты́, от лю́тых боле́зней и от неча́янных сме́рти и приведи́ ны́ ко и́стинному пока́нию при исхо́де из жи́зни сея́; испроси́ нам у Го́спода Бо́га кончи́ну ми́рну, безболе́зненну, непосты́дну, святы́х Та́ин прича́стну и преведи́ ны́ чрез мыта́рства возду́шная, да не похи́тят на́с истязате́лие гро́знии по грехо́м на́шим, но да твои́м заступле́нием и по́мощию возмо́жем безбе́дно прои́ти истязание́ возду́шное, и ми́лость получи́ти, и предста́ти неосу́ждённо стра́шному Престо́лу, и на Стра́шнем Суди́щи сподо́битися одесну́ю ста́ти Пра́веднаго Судии́, и насле́довати пра́ведных ча́сть. Е́й, госпоже́,

всечестна́я ма́ти, преподо́бная Евфроси́ние,
помози́ на́м моли́твами твои́ми, огради́ на́с и
засту́пи от вся́ких ко́зней вра́жиих, да
сподо́бимся пре́йти вре́мя жи́зни сея́
непреткно́венно и спасе́ние получи́ти моли́твами
твои́ми у Христа́ Го́спода, Его́же и сподо́бимся
пе́ти и славосло́вити со Безнача́льным Отце́м и
со Святы́м Ду́хом во ве́ки веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**